

Kommunen skal legge til rette slik at dei som fell utanfor det ordinære arbeidslivet også har moglegheit for aktivitetar og en meningsfull kvardag.

Sula Arbeiderparti vil:

- styrke undervisinga i seksualitet og grensesetting, kjønns- og seksualitetsmangfald, LHBT+ og reproduktiv helse i barnehagen, grunnskulen og den vidaregåande skulen
- arbeide for universell utforming og tilgang slik at alle kan ta del i samfunnet
- arbeide for at Sula kommune går framføre og arbeider aktivt for rekruttering av tilsette med fleirkulturell bakgrunn
- sørge for at flyktningar som kjem til kommunen blir tatt i mot på ein god måte og blir sikra gode butilhøve, deltaking i lokalsamfunnet, godt tilbod i skule og barnehagar, og får ta del i arbeidslivet
- legge til rette for møteplassar der ein på tvers av kulturelle og sosiale grenser kan oppleve fellesskap og meningsutvekslingar



Vil du vite meir?

Les heile programmet på
sula.arbeiderpartiet.no eller
bruk QR koden:



Kommunevalet 2023

Kultur, livssyn og inkludering



Kultur-kommunen Sula

Kultur gir oss noko å leve for. Gode kulturopplevingar gir den enkelte høve til refleksjon og læring, og i samfunnet oppstår det sams historier og samlingspunkt gjennom kulturelle opplevingar. Kulturen bidrar på denne måten til å skape gode liv og eit godt samfunn. Dette er òg eit kommunalt ansvar.

Kulturskule, bibliotek og fritidsklubb er førebyggjande ungdomsarbeid. Det er mykje god førebygging og folkehelse i kultur.

Dei frivillige organisasjonane spelar ei sentral rolle i kulturlivet på Sula. Det er derfor viktig at kommunen er med på å støtte desse.

Sula Arbeiderparti vil:

- ta vare på vår lokale identitet som kulturkommune ved å legge til rette for eit mangfald av kulturaktivitetar og kulturopplevingar
- ta vare på Sula kommune sitt omdøme som kulturkommune lokalt ved å bruke etablerte kulturutøvarar som ressurs og inspirasjon, og støtte nyetablerte kulturutøvarar til dømes med kulturstipend

Dei store oppgåvene løyser vi best saman!

- at det rike kulturlivet vi har i kommunen må oppretthaldast og stimulerast
- utgreie moglegheitene for bygging av eit nytt kulturhus
- at fleire barn får høve til å delta i kulturskulen
- kulturkarusellen skal vere eit obligatorisk tilbod i alle skular
- arbeide for likestilling og mangfald innanfor alle områda i kulturlivet
- ha politikk som støt opp om alt det positive ved digital spelkultur, og som førebygg eventuelle negative sider ved dataspel
- gi kulturskulen minimum 50% stillingsheimlar til å undervise alle aspirantane til skulekorpsa



livssyn

- arbeide for å sikre barn sin medverknad og sjølvråderett i spørsmål om tru og livssyn
- sikre eit livssynsnøytralt rom i Sula med moglegheit for bruk av fleire
- sikre god drift av kyrkjene og kyrkjegardane
- at det skal etablerast eit nytt kyrkjelydsenter i tilknytning til Langevåg kyrkje, som òg kan nyttast til livssynsnøytrale seremoniar
- at i skulane på Sula må føresette aktivt melde på eleven til deltaking i gudstenester i staden for å melde seg av
- opprette eigen gravlund for andre religionar og livssyn i tilknytning til eksisterande gravplassar

Eit livssynsøpe samfunn med respekt for alle

Vi ønsker eit livssynsøpe samfunn, der alle har respekt for og kunnskap om andre si tru, livssyn eller ikkje-tru. Noreg har ein kristen og humanistisk arv, som vi ønsker ta med oss i møte med eit stadig meir mangfaldig samfunn. Vi ønsker å legge til rette for at folk skal kunne samlast og dyrke sine livssyn slik de skal ønske det. Vi anerkjenner kva trus- og livssynssamfunna har å seie både for enkeltmenneske og for samfunnet. For mange menneske utgjør trus- og livssynssamfunna viktige fellesskap, dei skapar tilhøyrslø og identitet.

Sula Arbeiderparti vil:

- arbeide for at våre offentlege institusjonar legg til rette for at alle har høve til å utøve si tru og sitt

Eit likestilt samfunn er eit fritt samfunn

Diskriminering og manglande inkludering fører til at menneske blir utestengde frå viktige fellesskap i samfunnet vårt. Ingen menneske skal diskvalifiserast frå arbeidslivet, stengast ute frå det sosiale fellesskapet eller hetsast på bakgrunn av kva hudfarge, tru, funksjonsevne eller seksualitet han eller ho har, og ingen minoritetar skal diskriminerast.

Innvandringa har gjort Noreg til eit meir mangfaldig samfunn. I Sula er vi no snart 14% av våre innbyggjarar som har innvandrarbakgrunn. Vi ser på dette mangfaldet som ein styrke.